

ԻՍՈՒՎԱՆ (ԾՈՓՔԸ) Մ. Թ. Ա. XIII—XII ԴԱՐԵՐՈՒՄ

Ա. Վ. ՔՈՍՅԱՆ

Մ. Թ. ա. II հազարամյակում—I հազարամյակի առաջին կեսին համա-
ժամանակյա գրավոր աղբյուրներում Հայկական լեռնաշխարհի արևմուտքում
վկայված է Իսուվա պետությունը: Այն հիշատակվում է խեթական, ասորես-
տական և ուրարտական սեպագիր աղբյուրներում շուրջ մեկ հազարամյակ
(մ.թ. ա. XV—VII դդ.): Այնուհետև այս երկրանունը շարունակել է գո-
յատևել անտիկ և վաղ միջնադարյան հայկական աղբյուրներում Նաֆթալ և
Սոփա ձևերով: Դժոյար է ասել, թե որքանով է համապատասխանում սեպա-
գրական Իսուվայի տարածքը հին Հայկական Մոփսին: Իսուվան մոտավորա-
պես տեղադրվում է Սփրատի հետ Արածանիի միախառնման հատվածում
(այսօրվա Էլյազլի շրջան)¹:

Իսուվա կարևոր դեր է խաղացել մ. թ. ա. XVII—XIII դդ. իր ռազմա-
վարական դիրքի և այստեղ գտնվող հարուստ պղնձահանքերի (Էրզանի Մա-
դեն) շնորհիվ: Իսուվայի վերաբերյալ մեր տեղեկությունների հիմնական մա-
սը դալիս է խեթական աղբյուրներից: Դրանց և այլ աղբյուրների ուսումնա-
սիրությունը² թույլ է տալիս եզրակացնելու, որ, գտնվելով հնագույն Առա-
ջավոր Ասիայի երկու կարևորագույն քաղաքական-մշակութային կենտրոն-
ների՝ Սիլահաթի և Փոքր Ասիայի մերձավորությամբ, Իսուվան ողջ ուշ-
բունդեդարի ընթացքում մշտապես եղել է երկու գերտերությունների քաղա-
քական և տնտեսական շահերի կիզակետում, սկզբում՝ Սիտաննիի ու Խե-
թական տերության (մ. թ. ա. XVII—XIV դարեր), այնուհետև՝ խեթական
տերության և Ասորեստանի (մ. թ. ա. XIII դար): Նշված դարաշրջանում
Իսուվան նախ միտաննասետ դիրքորոշում է ունեցել, իսկ մ. թ. ա. XIV
դարի կեսերից, երբ Սիտաննին, իսկ մինչ այդ նաև Իսուվան, նվաճվեցին
խեթերի կողմից, այն վերածվում է խեթական տերության հենակետի արե-
վելքում:

Առկա փոքրաթիվ ուսումնասիրություններում հիմնականում ներկայաց-
ված է Իսուվան հիշատակող աղբյուրների պատմական նյութի օբյեկտիվ շա-
րադրանքը, հազեցված որոշ պատմագիտական եզրակացություններով: Սույն
հոդվածի նպատակն է վերականգնել այս պետության պատմության այն դա-
րաշրջանը, որի ընթացքում վերինսփրատյան տարածաշրջանում քաղաքա-
կան, էթնիկական և այլ բնույթի մեծ փոփոխություններ են վկայված, և որոնք
դեռևս գրեթե արտացոլված չեն Իսուվայի պատմության հարցերին նվիրված
ուսումնասիրություններում: Խոսքը մ. թ. ա. XII դարի մերձավորարևելյան
ձգնաժամի շրջանում Հայկական լեռնաշխարհը շրջանցած քաղաքական վայ-
րիվերումների և էթնիկական տեղաշարժերի մասին է: Փորձ կարվի ներկա-
յացնել իրավիճակը Իսուվայում նախքան ձգնաժամը և դրա հետևանքները

¹ G. F. del Monte und J. Tischler. Die Orts- und Gewässernamen der hethitischen Texte (RGTC 6). Wiesbaden, 1978, S. 155.

² Իսուվային առնվող խեթական աղբյուրների ուսումնասիրությունը տե՛ս H. Kien-
gel. Zum Brief eines Königs von Hanigalbat (iBoT I 34). — *Orientalia* 32, fasc. 3,
1963, S. 280—291; idem. Die Hethiter und Isuwa. — *OA* 7, 1968, S. 63—76; idem.
Nochmals zu Isuwa. — *OA* 15, 1976, S. 85—89.

այստեղ և մերձակա հարևանությամբ դտնվող քաղաքական միավորներում, Առկա աղբյուրներում պահպանված տեղեկությունների բնույթից ելնելով, կքննարկվեն հետևյալ հարցերը՝ Խսուվայի արքայատոհմը, Խսուվան մ. թ. ա. XIII դարի երկրորդ կեսին ընթացած խեթա-ասորեստանյան հակամարտության շրջանում և Խսուվան մ. թ. ա. XII դարի ճգնաժամի փուլում: Վերոհիշյալ խնդիրները կդիտվեն Առաջավոր Ասիայի համաժամանակյա պատմության լայն համայնության վրա:

ԻՍՈՒՎԱՅԻ ԱՐԲԱՅԱՏՈՂՈՒԹՅՈՒՆ

Խեթական աղբյուրները պահպանել են Խսուվայի միայն երկու արքաների անուններ՝ Արի-շարուման և Նրա որդի Էխլի-շարուման (խեթական արքաներ Խաթթուաիլիս III-ի և Թուդխալիյաս IV-ի ժամանակակիցները): Սրանց վերաբերող տեքստային նյութը շատ սուղ է և հանգում է ընդամենը մի քանի հպանցիկ հիշատակությունների³: 1968—1970 թթ. էլյազղի շրջանի հայտնի հնավայր Կորուչութիֆիկից հայտնաբերված մի քանի հիերոգլիֆային կնիքների դաջվածքները⁴ լրացնում են սեպագիր աղբյուրների տվյալները: Այս երկու խումբ աղբյուրների համադրումը հիմք է տվել խեթագրերու Խսուվայի և խեթական արքայատոհմերի միջև եղած ազդակցական հարաբերությունները⁵: Ստորև ներկայացնենք վերոհիշյալ կնիքների վրա պահպանված անձնանունները և դրանց կցված տիտղոսները:

№ 1A: X-SARRUMA REX [HEROS]

№ 1B: X-SARRUMA

№ 2A: IXI-SARRUMA REX [HEROS]

Ki-lá/i/u-[x]-ha-pa MAGNUS. INFANS. MUNUS (=REGINA)

№ 2B: X-SAR [RUMA] REX [HEROS]

Ki-lá/i/u-[x-ha-pa] MAGNUS. INFANS. [MUNUS] (=REGINA)

Այս կնիքների⁶ վրա գրված է երկու անձնանուն.

1) X—շարուման, արքա, հերոս(ը)⁷

2) Կիլա/ի/ու[...], խապա, թագուհի

Առաջին անվան առաջին նշանի («միմյանց 45 աստիճանի թեքությամբ ուղղված երկու ձեռք») հստակ նմանակը չի հանդիպում փոքրասիական հիերոգլիֆիկայում: Այս է պատճառը, որ հրատարակիչը պայմանականորեն անձնանունն ընթերցել է *Ari-Sarruma, խեթագրերով, որ միմյանց ուղղված ձեռքերը կարող են մեկնաբանվել որպես «տալ, տրված, նվեր»⁷:

³ KBo IV 10 Rs. 29; IBoT I 34 Vs. 9, 16; մի շարք այլ տեքստերում (KBo VIII 23 Vs. 9; KBo VIII 30 Vs. 10; KBo XII 140 Vs. 4 f. և այլն) հիշատակվում են Խսուվայի արքաներ առանց անունները նշելու:

⁴ Հրատարակությունը՝ H. G. Güterbock. Hittite Hieroglyphic Seal Impressions from Korucutepe. — JNES 32, 1—2, 1973, pp. 135—147; նույնի վերանայված հրատարակությունը՝ Hittite Hieroglyphic Seal Impressions. — In: Korucutepe III, Amsterdam, 1980, p. 127ff.

⁵ H. G. Güterbock. — JNES 32, p. 140.

⁶ A- և B-ն նշում են նույն կնիքի երկու դաջվածքները:

⁷ H. G. Güterbock. — JNES 32, p. 140f: Նրա կարծիքով, այս նշանը կարող էր գործածվել որպես գաղափարագիր խուրրիերեն ar- «տալ» բայի համար: Չնայած Կորուչութիֆիկի կնիքները գրված են փոքրասիական-լուվիական հիերոգլիֆիկայով, որտեղ սույն նշանը, ըստ գաղափարի, պիտի ընթերցվեր piya- «տալ» (արդյունքում կստացվեր Piya-sarruma), սակայն Խսուվայի արքաների խուրրիական անձնանունների առկայությունը թերևս չի բացառում հիերոգլիֆային նշանների խուրրիերեն ընթերցումը:

Նրկրորդ անձնանունը վստահորեն վերականգնվում է որպես *Kilušhepa, քանի որ դրա հստակ նմանակը՝ խուրրիական Kilušhepa-ն, վկայված է խեթական տեքստերում⁸։ Սրա ախտոսի մեկնաբանությունը նույնպես կասկածի ենթակա չէ—«թագուհի»։

Այսպիսով, № 2 կնիքը պատկանում է արքայական զույգին։

Կորուշութեփեի կնիքում թագուհի Կիլուշխեպայի անվան առկայությունը թույլ է տվել Հ. Գ. Գյուտերբոքին նույնացնելու Իսուվայի թագուհուն խեթական երկու սեպագիր տեքստերում⁹։ Հիշատակվող Կիլուշխեպայի հետ¹⁰։ Այստեղ խեթական թագուհին (անկասկած, Պուդուխեպան, Խաթթուսիխ 111-ի կինը) երգվում է աստվածությանը նվիրաբերել մեծ քանակությամբ ընծաներ (արծաթի տեսքով), եթե Իսուվայի արքայի որդին առողջանալ։ Անկասկած, այդպիսի երգում կարելի էր տալ, եթե Իսուվայի արքայազնը ազդեցական կապի մեջ գտնվեր նրա հետ։

Ներկայացնենք երրորդ կնիքը¹¹։

X₁ REX X₂-SARRUMA

Այստեղ X₁-ով տրվող հիերոգլիֆը ինչ-որ արքայական տիտղոս պիտի լինի, ըստ հրատարակչի՝ L—Z1=HEKOS «հերոս»¹² (աքքադերեն qarradu, որը հանդիպում է ինչպես խեթական դարաշրջանի, այնպես էլ ետխեթական ժամանակաշրջանի տեքստերում)¹³։ Ինչպես և № 1 և № 2 կնիքների դեպքում, այս զույգի անձանվան առաջին բաղադրիչը Հ. Գ. Գյուտերբոքին ընթերցում է խուրրիերեն Ելլի-«ողջուն» և առաջարկում վերականգնել *Elii-sarruma¹⁴։ այսպիսի անուն է կրում խեթական սեպագիր տեքստերում Արիշարումայի Իսուվայի գահին հաջորդած արքան։

Այսպիսով, կնիքը կարելի է թարգմանել հետևյալ կերպ. «Հերոս(ը) արքա էլիի-շարումա»։

Կորուշութեփեի մյուս կնիքները պատկանում են տարբեր անձանց, որոնց պաշտոնները, գրված լինելով չվերծանված գաղափարագրերով, առայժմ հնարավոր չէ պարզել¹⁵։

Այսպիսով, լուրջ հիմքեր կան ենթադրելու, որ Խաթթուսի և Իսուվայի արքայատոհմերի միջև առնվազն մ. թ. ա. XIII դարում գոյություն են ունեցել ազդեցական սերտ կապեր։ Առայժմ չկա որևէ ուղղակի վկայություն պարզելու այդ կապերի սկզբնավորման ժամանակը։ Որպես հնարավոր ժամանակագրական վերին սահման կարելի է ընդունել մ. թ. ա. XIV դարի կեսերը՝ Ուուպիլուիլիուսա I-ի կողմից Իսուվայի նվաճումը։ Չբացառելով նման հնարավորությունը, սակայն, թվում է, որ հիմքեր կան շատ ավելի ուշ ժամանակաշրջանի օգտին։

⁸ E. Laroche. Les noms des hittites. Paris, 1966, № 579.

⁹ KUB XV 1 III 48—55 և KUB XV 3 IV 5—12.

¹⁰ H. G. Güterbock. — JNES 32, p. 139f.

¹¹ Նույն տեղում, էջ 137։

¹² Հիերոգլիֆային նշանների համարակալումը քսա E. Laroche. Les hieroglyphes hittites. Paris, 1960.

¹³ Այն հանդիպում է խեթական արքաներ Մուվատալիս II-ի (Sirkeli), Խաթթուսիիս III-ի (Iaşci), ետխեթական մի շարք լուվիական արքաների (Մելիդի և Կարգամիսի) տիտղոսաշարերում։

¹⁴ H. G. Güterbock. — JNES 32, p. 141.

¹⁵ Դրանք կրում են ակնհայտ խեթա-լուվիական և խուրրիական անուններ՝ Լուպակ(կ)ի (№ 6), Շաուշկացիտի (№ 4), Լուվա (№ 7), Մասամուվա (№ 11), Ցացա (№ 12)։ Համապատասխան դուգահեռի բացակայությունը թույլ չի տալիս որոշելու Մալամա անվան պատկանելությունը որևէ էթնոմշակութային արեալի (№ 8—10)։

հաթթութիւն III-ի և Թուղխալիյաս IV-ի տեքստերում կան մի շարք տեղեկություններ հաթթի և կախյալ երկրների միջև դինաստիական ամուսնությունների լայն պրակտիկայի մասին:

հաթթութիւնի տեքստերից մեկում հայտնվում է հետևյալը¹⁶.

«Երբ Մուվատալիսը, մեծ արքան, մահացավ, ես, հաթթութիւնս, ինձ իմ հայրական զահին նստեցրի: Ես Ռենտեշինային երկրորդ անգամ [Ամուր] ընդ երկրում (որպես արքա) հաստատեցի: Նրա հոր տունը և արքայության զահը ես նրան հանձնեցի: Մեր միջև [հալեթական] բարեկամություն [ևս հաստատեցի]: Իմ որդի Ներիկկալին Ամուրքուի արքա Բենտեշինայի դստերը կնուծյան վերցրեց: Ես արքայադուստր Գասսուլի-յավիին Ամուրքուում, արքայական տանը՝ Բենտեշինային կնուծյան տվեցի: Ամուրքուում նա թաղուհի է: Ամուրքուում թագավորական իշխանությունը ապագայում իմ դստեր որդու և ծոռան ձեռքում [կլինի]:»

Նման ձեռնարկման մասին հայտնվում է Թուղխալիյաս IV-ի և Ամուրքուի հաջորդ արքա Սաուսդամովայի (Բենտեշինայի և Գասսուլիյավիի որդին) միջև կնքված սլայմանադրում¹⁷: Այս նույն տեքստում նմանապես հիշատակվում է հաթթութիւն III-ի քրոջ և արևմտափոքրասիական Սեխա երկրի արքայազն Մաստուրիսի ամուսնության մասին¹⁸.

Դինաստիական ամուսնությունների նպատակը տվյալ պատմական ժամանակաշրջանում թևակոխված էր հաթթի առջև ծառացած արտաքին քաղաքական մեծ բարդություններով: Մ. թ. ա. 1274 թ. Փաղեշի ճակատամարտից հետո Ռամդու II-ը փորձում էր ետ վերագրանել Միդիայում կորցրած քաղաքական ազդեցությունը: Նոր իշխանության եկած Սալմանասար I-ը (1263—1234 թթ.) մեծ ակտիվություն էր ցուցաբերում խեթերից կախյալ Միտաննիի և Հայկական Տավրոսի շրջաններում: Փոքր Ասիայի արևմուտքում խեթերի ավանդական մրցակից Ախիյավայի կողմից հովանավորվող կենտրոնախոյս ուժերի ղործունեությունը տարեցտարի ավելի էր ընդլայնվում: Սրանց կարելի է ավելացնել հաթթութիւնի՝ իշխանության զալու հանդամանքները¹⁹:

Ահա այսպիսի քաղաքական իրավիճակում հեռավոր կախյալ երկրների հետ խնամիական կապերի հաստատման անհրաժեշտությունը միանգամայն պարզ է դառնում: Եթե Սեխան, ըստ հաթթութիւնի, պիտի արգելապատնեշի դեր կատարեր արևմտյան Փոքր Ասիայում, Ամուրքուն (և Ուզարիտը)՝ Միդիայում, ապա Իսուվան Միտաննիի հետ՝ հյուսիսային Միջագետքում՝ ընդդեմ հզորացող Ասորեստանի: Այսպիսով, Կիլիկիայի իսկապես կարող էր հաթթութիւն III-ի և Պուդուխեյայի դուստրը լինել²⁰:

Այժմ փորձենք քննարկել Իսուվայի երկու արքաների կառավարման ժամանակի խնդիրը: Հայտնի չէ ինչպես Արի-շարրումայի կառավարման սկիզբը, այնպես էլ էխի-շարրումայի կառավարման վերջը: Միակ բանը, որ կարելի է պարզել քիչ թե շատ մոտավոր հաշվարկներով, առաջինի կառավարման վերջն է և երկրորդի գահակալման սկիզբը:

¹⁶ KBo 18 Vs. 16—20 (յրատարակություն՝ E. Weidner. Politische Dokumente aus Kleinasien. Leipzig, 1923, S. 124ff).

¹⁷ KUB XXIII I (յրատարակություն՝ C. Kühne, H. Otten. Der Šausgamuwa-Vertrag. Wiesbaden, 1971).

¹⁸ KUB XXIII 1. Ինչպես Ամուրքուն և Սեխան, այնպես էլ Իսուվան հաթթի ամենահեռավոր կախյալ երկրներն էին և, թվում է, կարելի է ենթադրել նման քաղաքականության իրականացում նաև այստեղ:

¹⁹ Մուվատալիս II-ի մահից հետո զահ բարձրացած Ուրիսի-թեշուրը (Մուրսիլիս III) գահազուրկ էր եղել հորեղբոր՝ հաթթութիւնի կողմից, որի արդյունքը երկրում ներքաղաքական մթնոլորտի ապակայունացումն էր:

²⁰ H. G. Guterbock. — In: Korucutepe III, p. 129.

Այսպես, որպես մեկնակետ կարելի է ընդունել խեթա-ասորեստանյան ճակատամարտը Նիխրիայի մոտ մ. թ. ա. 1234 կամ 1233 թ.²¹, երբ Իսուվայի արքան արդեն էխի-շարրուման պիտի լիներ²², Թուդխալիյաս IV-ի և խեթերից կախյալ Թարխունտասսայի արքա Կուրունտայի միջև կնքված պայմանագրի վերջում («Բրոնզե տախտակ»)²³ տրվող բարձրաստիճան վկայներից հետևում Արի-շարրումայի և էխի-շարրումայի անունները չեն հիշատակվում²⁴, նույն Թարխունտասսայի հաջորդ արքա Ուլմի-թեշուբի հետ կնքված պայմանագրում²⁵ արդեն ներկա է Արի-շարրուման՝ պատվավոր հինգերորդ տեղում²⁶։ «Բրոնզե տախտակը» պիտի կազմված լիներ Թուդխալիյաս IV-ի կառավարման սկզբներին (մոտավորապես մ. թ. ա. 1240-ական թվականների վերջերին)։ Իսկ քանի որ դրանից որոշ ժամանակ անց Խաթթիում ընթացել է քաղաքացիական պատերազմ Թուդխալիյասի և Թարխունտասսայի արքա Կուրունտայի միջև, որից հետո է միայն Ուլմի-թեշուբը փոխարինել իր եղբորը՝ Կուրունտային և կնքվել Թուդխալիյաս—Ուլմի-թեշուբ պայմանագիրը, ապա, բնական է ենթադրել, որ «Բրոնզե տախտակից» հետո կարող էր մի քանի տարի անցած լինել։

Ասվածը թույլ է տալիս ենթադրելու, որ էխի-շարրումայի դահակալումը Իսուվայում հազիվ թե Նիխրիայի ճակատամարտից շատ առաջ տեղի ունենար։ Էխի-շարրումայի կառավարման սկիզբը որոշելու հարցում հետաքրքրություն է ներկայացնում խեթերից կախյալ Միտաննի-Խանիդալբատի արքայի հայտնի նամակը՝ ուղղված խեթական արքային²⁷, որը ստվորաբար թվագրվում է Թուդխալիյաս IV-ի կառավարման առաջին տարիներով²⁸։ Սակայն այժմ, երբ «Ուլմի-թեշուբի պայմանագիրը» թվագրվում է Թուդխալիյաս IV-ի կառավարման շրջանով (նախկինում՝ Խաթթիում III-ի), ընդ որում «Բրոնզե տախտակից» առնվազն մի քանի տարի անց, ապա Միտաննիի արքայի վերահիշյալ նամակը նույնպես անհրաժեշտ է թվագրել ավելի ուշ ժամանակով։ Ամենայն հավանականությամբ, այն կարող էր դրվել Սալ-

²¹ A. K. Grayson. ARI I, §§ 772—783; S. Lackenbacher. Nouveaux documents d'Ugarit. Une lettre royale RA 76, 1982, p. 141ff. (ասորեստանյան աղբյուրներ), KBo IV 14; KUB VIII 23 (խեթական աղբյուրներ)։

²² Այս ենթադրություն հիմքը KBo IV 14 IV 7-ում որպես Թուդխալիյաս IV-ի օպոնենտ հիշատակվող Ehli-LUGAL-ն է. որը Ի. Զինդերը ընթերցում է Ehli-sarruma (The Battle of Nihriya and the End of the Hittite Empire. ZA 75, 1985, p. 114ff). Ինչպես նաև Միտաննի-Քանիդալբատի արքա Շաթթուբա II-ի նամակը, ուղղված Թուդխալիյաս IV-ին (IBOT I 34). որտեղ հիշատակվում է Իսուվայի արքա Ehli-sarruma-ն (հրատարակությունը՝ H. Klengel. Orientalia 32, fasc. 3, 1963, S. 281f.)։ Նախորդ ուսումնասիրողների պես Ի. Զինդերն էլ այն կարծիքին է, թե IBOT I 34-ը գրված է Թուդխալիյաս IV-ի կառավարման սկզբներին (ZA 75, 1985, p. 115), սակայն «Ուլմի-թեշուբի պայմանագրում» Իսուվայի արքա Արի-շարրումայի ներկայությունը ստիպում է այս տեքստը թվագրել առնվազն 1230-ական թթ. կեսերով (տե՛ս ստորև տեքստում)։

²³ O. Otten. Die Bronzetafel aus Bogazkoy. Ein Staatsvertrag Tuthalijas IV. Wiesbaden, 1988.

²⁴ Թուդխալիյաս IV-ի ժամանակաշրջանի տեքստերում էխի-շարրումա անունը հանդիպում է երկու անգամ (բացի KBo IV 14-ի Ehli-LUGAL-ից)՝ 1) «արքայադուռ էխի-շարրումա» (DUMU. LUGAL) — «Բրոնզե տախտակում», 2) «լրբեր էխի-շարրումա» (LÚ mar sipri)—IBOT I 34-ում։ Դրանից ոչ մեկն, անկասկած, Իսուվայի արքան կամ արքայազնը չէր կարող լինել։

²⁵ KBo IV 10 (հրատարակությունը՝ J. Garstang and O. R. Gurney. The Geography of the Hittite Empire. London, 1959, pp. 66—69).

²⁶ KBo IV 10 Rs. 29.

²⁷ Հրատարակությունը՝ H. Klengel. — Orientalia 32, fasc. 3, 1963, S. 280ff.

²⁸ Տե՛ս ծան. 23 և ստորև տեքստում։

մանասար I-ի կառավարման վերջերին, եթե ոչ Թուկուլթի-Նինուրտա I-ի (1234/3—1197 թթ.) կառավարման սկզբին՝ Նիսրիյայի ճակատամարտի նախօրեին:

Բանն այն է, որ այս տեքստում, որտեղ Միտաննիի արքա Շաթթուարա II-ը²⁹ հայտնում է ասորեստանյան սպառնալիքի հնարավորության մասին, հիշատակվում է Իսուվայի արքա էլիլի-շարրուման: Ինչպես նշվեց վերը, «Ուլ-մի-թեշուրի պայմանագրում» էլիլի-շարրուման գեռես Իսուվայի արքան չէր, ուրեմն այս նամակը պիտի հստակորեն թվագրելի վերոհիշյալ պայմանագրի և Նիսրիյայի ճակատամարտի միջև ընկած ժամանակահատվածով, այսինքն, մոտավորապես 1230-ական թթ. կեսերով:

ԻՍՈՒՎԱՆ ԽԱԹԹԻԻ ԵՎ ԱՍՈՐԵՍՏԱՆԻ ՀԱՆԱՄԱՍԱՐԻԹՅԱՆ ՇՐՋԱՆՈՒՄ

Հատեն է, որ մ. թ. ա. 60-ական թթ. խեթա-ասորեստանյան հարաբերությունները սկսում են տարեցտարի սրվել, կապված խեթերից կախյալ Միտաննի-հանիգալբատի և Հայկական Տավրոսի լեռնային երկրների նկատմամբ Ասորեստանի ունեցած նկրտումների հետ: Այս մասին կարելի է դատել հաթթուսի III-ի և Թուդիայի IV-ի նամակագրությունից Բաբե-լոնի արքա Կադաշման-էնլիլ II-ի³⁰, Ասորեստանի արքաներ Սալմանասար I-ի³¹ և Թուկուլթի-Նինուրտայի³² հետ: Ենթադրվում է, որ ղրխավորապես Ասորեստանի ռազմաքաղաքական ակտիվությամբ էր պայմանավորված մ. թ. ա. 1258 թ. հաթթուսի III-ի և Ռամդես II-ի միջև խաղաղության պայմանագրի կնքումը³³:

Վերը կարծիք հայտնվեց, որ Սալմանասար I-ի կողմից խեթահայատակ Միտաննի ձեռնարկած արշավանքը, ամենայն հավանականությամբ, կարելի է թվագրել նրա կառավարման վերջին տարիներով: Մասնագիտական գրականության մեջ այս արշավանքի հետևանքները սովորաբար ներկայացվում են որպես Միտաննիի կորուստ խեթական տերության համար, այստեղի իշխող ղինաստիայի անկում³⁴: Սակայն հիմքեր կան ենթադրելու, որ Ասորեստանի հաջողությունը Միտաննիում անցողիկ է եղել: Խնդիրը պարզելու համար ներկայացնենք Սալմանասարի՝ սույն արշավանքը նկարագրող տեքստը և դրան առնչվող որոշ այլ գրավոր աղբյուրներ:

«...ես արշավեցի հանիգալբատ, ես բացեցի ամենադժվար արահետները (և) անցումները: Շաթթուարան՝ հանիգալբատի արքան, խեթերի և ախլամու-արամեացիների օգնությամբ գրավեց իմ ճանապարհին գտնվող ան-

²⁹ Նամակի հեղինակի ինքնությունը ենթադրվում է, ելնելով Սալմանասար I-ի՝ դեպի հանիգալբատ ձեռնարկած արշավանքի մասին պատմող տեքստից (A. K. Grayson. ARI I, § 533). որտեղ հիշատակվում է Շաթթուարան որպես հանիգալբատի արքա:

³⁰ KBo I 10 + KUB III 72 (հրատարակությունը՝ A. Hagenbuchner. Die Korrespondenz der Hethiter. Bd. II. Heidelberg, 1959. Nr. 204, S. 281—300); նաև հաթթուսի III-ի նամակագրությունը Կադաշման-էնլիլի խեթական Բարու-ախու-իզդինայի հետ՝ KUB XXIII 92 և KUB XXIII 103 (հրատարակությունը՝ H. Otten. Ein Brief aus Hattusa an Babu-ahū-iddina. — AfO 19, 1959—1960. S. 39ff.).

³¹ KPo I 14 (հրատարակությունը՝ A. Goetze. Kizzuwatna and the Problem of Hittite Geography. New Haven, 1940, pp. 27ff.; KBo XVIII 24 (հրատարակությունը՝ A. Hagenbuchner. Ibid., № 188, S. 241ff.).

³² KUB III 73 (հրատարակությունը՝ E. Weidner. Die Inschriften Tukulti-Ninurtas I und seiner Nachfolger. — AfO Beiheft 12. Graz, 1959, Text 36); KBo XVIII 25 (A. Hagenbuchner. Ibid., № 189).

³³ История древнего Востока (под ред. Г. М. Бонгард-Левина). Часть II, М., 1989, с. 151.

³⁴ История древнего Востока, 1988, с. 103; J. M. Munn-Rankin. Assyrian Military Power, c. 1300—1200 B. C. — In: CAH I¹, ch. XXV, p. 10f.

ցումները և ջրատեղիները: Երբ իմ զորքը ծառավ էր և հոգնած, նրանց զորքը կատաղի հարձակում սկսեց ողջ ուժով: Բայց ես հակահարված տվեցի և պարտության մատնեցի նրանց: Ես կոտորեցի անհաշիվ թվով նրանց զորքից: Ինչ վերաբերում է նրան (Շաթթուարային—Ա. Ք.), ես հետապնդեցի նրան դեպի արևմուտք՝ նետասլաքի ծայրին: Ես մորթեցի նրանց ամբողջները, (բայց) 14 400 հոգու (որ մնացել էին) կենդանի կուրացրի (և) գերեվարեցի: Ես գրավեցի նրա ինը ամրացված պաշտամունքային կենտրոնները, (ինչպես նաև) քաղաքը, որտեղից նա կառավարում էր, և նրա 180 քաղաքները վերածեցի ավերակների...»³⁵:

«Այդ ժամանակ ես գրավեցի քաղաքները Տալիդուից մինչև Իրրիդու, ողջ Քաշիյարի լեռները դեպի էլուիաթ, Սուդու ամրոցը, Խարրան ամրոցը դեպի Կարթեմիշ, որը Եփրատի ափին է: Ես իշխեցի նրանց երկրի վրա, բայց հրդեհեցի նրանց քաղաքները»³⁶:

Դեռ այս տեքստի հրատարակիչն է ուշադրություն դարձրել այն հանգամանքի վրա, որ վերոհիշյալ արշավանքի նկարագրության երկրորդ հատվածը (Տալիդուից մինչև Կարթեմիշ) բառացի կրկնում է Սալմանասարի նախորդ Ադադնիրարի I-ի տեքստը, որտեղ հաղորդվում է գեպի Խանիգալբատ կազմակերպած արշավանքի մասին³⁷: Այդ է պատճառը, որ նա, ինչպես և Գ. Վիլհելմը³⁸, հակված է կասկածի տակ առնելու դրա հավաստիությունը:

Որո՞նք են Սալմանասարի ենթադրյալ հաջողության կասկածելիության կոպանները: Բացի վերը նշված տեքստային կրկնության փաստից, ուշադրության է արժանի Սալմանասարի հաջորդ Թուկուլթի-Նինուրտա I-ի այն հաղորդումը, ըստ որի ողջ Սուբարի երկիրը, Քաշիյարի լեռները՝ մինչև Ալդի, իր հոր օրոք ապստամբել էին և հարկ չէին վճարում³⁹: Նույն տեքստում ասվում է, որ այդ երկրները Թուկուլթի-Նինուրտայի «պատժիչ» արշավանքի պահին միավորված էին մեկ միասնական իշխանության ներքո: Այնուհետև, Սալմանասարի վերոհիշյալ տեքստը պարզորոշ կերպով վկայում է այն մասին, որ Խանիգալբատի արքան չի գերեվարվել, այլ հեռացել է երկրի արևմուտքյան շրջաններ⁴⁰:

Ի մի բերելով կարելի է ներկայացնել իրադարձությունների հետևյալ պատկերը: Սալմանասարի կառավարման վերջին շրջանում Միտաննիի վրա Ասորեստանի ձեռնարկած հարձակումը ավարտվել է դրա տարածքի (կամ մի մասի) բնակավայրերի ավերածությամբ: Արշավանքից որոշ ժամանակ անց երկիրը կրկին անհնազանդություն է դրսևորել և միավորվել հարևան երկրների հետ (Սուբարի երկրներ): Վերջին հանգամանքը լուրջ ուշադրության է արժանի այն առումով, որ ստիպում է ենթադրել Թուկուլթի-Նինուրտայի դահակալման պահին Քաշիյարի լեռների և Տավրոսի շրջանի խուրրիական երկրների հակասորեստանյան միության ձևավորում: Եթե նկատի ունենանք, որ մ. թ. ա. 1234/3 թ., Նիխրիյայի ճակատամարտի ժամանակահատվածում Թուկուլթի-Նինուրտան մեկը մյուսի հետևից ասպատակել է Քաշիյարի շրջանում գտնվող երկրները (Կադմուխի) և դրանց հյուսիս-արևելքից

³⁵ A. K. Grayson. ARI I, § 530.

³⁶ Նույն տեղում, § 531.

³⁷ Նույն տեղում, էջ 83, ծան. 178:

³⁸ G. Wilhelm. The Hurrians. Warmminster, 1989, p. 40.

³⁹ A. K. Grayson. ARI I, § 693.

⁴⁰ Գ. Վիլհելմի կարծիքով (The Hurrians, p. 41), Սալմանասարի վերոհիշյալ արշավանքից հետո Միտաննի-Խանիգալբատի խուրրիական դինաստիան դոյառնել է նաև մ. թ. ա. XII դարում: Նման հնարավորության օգտին է վկայում մ. թ. ա. XIII դարի վերջերս—XII դարի սկզբներով թվագրվող ասորեստանյան մի տեքստ (BM 121057), որտեղ հիշատակվում է «Խանիգալբատի արքա Արի-Թեշուրը» (A. R. Millard. Fragments of Historical Texts from Nineveh; Middle Assyrian and Later Kings. Iraq, vol. XXXII, Pt. 2, 1970, p. 171f).

հարող Ալզին⁴¹, ապա, թերեւ, հնարավոր է ենթադրել Ասորեստանի հյուսիսում և հյուսիս-արեւմուտքում ընկած մեծ թվով երկրների հարող հակասորեստանյան դաշինք: Իսկ դա կարող է նշանակել, որ Խուսիս խեթերի միակ արդեւապատենշը չէր ընդգեմ Ասորեստանի, և նրանից բաժանված էր «Սուբարի երկրների» շղթայով: Միտաննի խեթամետ դիրքորոշումը Սալմանասարի կառավարման վերջերին, գուցե, թույլ տա ենթադրելու խեթա-սուբարական դաշնակցային հարաբերություններ:

Ահա մոտավորապես այսպիսին էր քաղաքական իրավիճակը Խուսիսյին հարավից անմիջականորեն հարող Միտաննի-խանիզալբատում և հարևան շրջաններում մ. թ. ա. 1234/3 թ. սահմաններում:

1980-ական թթ. ի հայտ եկավ ուսումնասիրվող ժամանակաշրջանի և Խուսիսյի պատմության վերաբերյալ մի նոր գրավոր աղբյուր, որը թույլ տվեց պարզելու այստեղ տեղի ունեցած որոշ կարևոր քաղաքական իրադարձություններ:

Մինչև 1982 թ. հայտնի ասորեստանյան տեքստերը բավական ընդարձակ նյութ էին պարունակում Թուկուլթի-Նինուրտայի կառավարման առաջին տարում կազմակերպված արշավանքների մասին դեպի հյուսիս՝ Քաշիյարիից մինչև Վանա լճի շրջան⁴²: Հայտնի էր նաև, որ ըստ այդ նույն աղբյուրների, ասորեստանյան զորքը Նիբատի արևմտյան ափից գերվարել էր 28 800 «խեթական երկրի բնակիչների»⁴³: Ուզարիտից գտնված աքքադերեն նամակը⁴⁴ նոր լույս սփռեց այս արշավանքների հետ կապված մի կարևոր իրադարձության վրա:

Նամակը գրված է Թուկուլթի-Նինուրտայի կողմից Ուզարիտի արքա Ամմուրապիին: Այստեղ ներկայացված է Նիսրիյայի ճակատամարտի նախօրին Թուկուլթիյաս IV-ի և Թուկուլթի-Նինուրտայի միջև ընթացած դիվանագիտական բախումների համառոտ պատմությունը⁴⁵: Նրկու պետությունների միջև ընկած սահմանային դատում ծագած տեղական բնույթի ընդհարումները ի վերջո վերածվում են խոշոր ռազմական բախման: Նիսրիյա քաղաքից⁴⁶ ոչ հեռու տեղի ունեցած ճակատամարտն ավարտվում է ասորեստանցիների հաղթանակով: Իրավացիորեն ենթադրվում է, որ Նիսրիյայում ունեցած հաջողությունից հետո միայն ասորեստանյան արքան կարող էր լայնածավալ արշավանքներ ձեռնարկել հյուսիսի լեռնային շրջաններում:

Նիսրիյայի ճակատամարտից որոշ ժամանակ անց գրված երկու խեթական տեքստերում կարևոր տեղեկություններ են հաղորդվում վերոհիշյալ իրադարձություններում Խուսիսյի խաղացած դերի մասին:

Ի. Զինգերի կողմից համոզիչ փաստարկներով Թուկուլթիյաս IV-ին վերագրվող մի տեքստում⁴⁷ խեթական արքան մեղադրում է իր օպոնենտին դավաճանության մեջ. «Երբ (իրադրությունը) ինձ համար բարդացավ, դուրեկ ինձից հեռու պահեցիր: Դու իմ կողքին չէիր: Միթե ես Նիսրիյայից միայնակ չհեռացա: Երբ էր պատահել, որ թշնամին ինձից վերցներ խուրի

⁴¹ Այս արշավանքների երթուղիների և գրաված երկրների տեղագրության մասին տե՛ս II. В. Лрутюнян, Биайинили (Урарту), Ереван, 1970, с. 21 сл.

⁴² A. K. Grayson. ARI I, § 454ff.

⁴³ Նույն տեղում, §§ 773, 783:

⁴⁴ S. Lackenbacher. RA 76, 1982, p. 141ff.

⁴⁵ Sh'v I. Singer. ZA 75, 1985, p. 100ff.

⁴⁶ Ամիդ-Դիարբաքից հյուսիս-արևելք՝ հին հայկական Նիբկերտ (Մայաֆարկին-Սիվան) (I. M. Diakonoff and S. M. Kashkai. Geographical Names According to Urartian Texts [=RGTC 9]. Göttingen, 1981; p. 60f.; I. Singer, ZA 75, 1985, p. 106).

⁴⁷ KBo IV 14 (I. Singer, Ibid., p. 109ff.).

երկրները, եթե ես միայնակ չմնալի Ալաթարմայում⁴⁸։ Այնուհետև. «Հավատարիմ ծառա եղիր արքային։ Մի ցցիր վիղդ։ Նախկինում, երբ BU. LUGAL-aš-ը մահացավ, դու ցցեցիր վիղդ։ Դա չպիտի նորից կրկնվի։ Թող (այս դեպքը) քեզ համար երդում լինի»⁴⁹։

Մեկ այլ, վնասված տեքստում⁵⁰ նիխրիայի ճակատամարտի շրջանում Իսուվայի արքայի պահվածքը լուսաբանող տեղեկություններն ավելի հրատակ են. «[...] երբ նա զա այստեղ, [...] ետևից մենք կհարձակվենք նրա վրա։ Բայց [այ]ժամ, երբ Իսուվայի արքան եկավ այստեղ, նրանք նրան շրջեցին։ [Եվ] նա նույնպես ընկղմվեց(») ապստամբության մեջ։ Իսուվայի արքան այլևս չի հետևում Արևին։ Թող թագուհին՝ Տիրուհին, նույնպես տեղեկանա։ Տիրուհիս՝ թագուհիս, ինչ անեմ ես։ Արևը այս տեղում] Արցավա երկրում...]»։

Երկու տեքստերի համադրումը թույլ է տալիս առաջարկելու իրադարձությունների հետևյալ հնարավոր զարգացումը։ Վերինեփրատյան ճակատում ռազմական գործողությունների իրականացման պարտականությունը խեթական կողմից դրված է եղել Թուղխալիյասի զորավարի՝ երկրորդ տեքստի հեղինակի վրա։ Այդ պահին արքան գտնվում էր Արցավայում (արևմտյան Փոքր Ասիա)։ Հստ ծրագրի, խեթա-իսուվյան միացյալ զորքը պիտի անսպասելի հարձակվեր ասորեստանցիների վրա, սակայն, պայմանավորված վայր հասնելուց հետո, Իսուվայի արքան միանում է ինչ-որ հակախեթական ուժերի և չի մասնակցում ճակատամարտին. արդյունքում խեթական զորքը պարտվում է։ Երկրորդ տեքստի նյութը թույլ չի տալիս պարզելու վերը հիշատակված հակախեթական ուժերի ինքնությունը։

Ինչպես արդեն նկատվել է⁵¹, վերը բերված տեքստային հատվածները վկայում են խեթա-ասորեստանյան բախման շրջանում Իսուվայի արքա էխլի-շարրումայի կողմից իր սյուզերենի նկատմամբ պարտավորությունների չկատարման մասին։ Համապատասխան նյութի բացակայության պատճառով հնարավոր չէ պարզել նման դիրքորոշման դրդապատճառը։ Իհարկե, կարելի է ենթադրել, որ ասորեստանյան առաջխաղացման պայմաններում Իսուվայի արքան նախընտրել է չմասնակցել պատերազմին, որպեսզի առիթ չտա իր սահմանների մերձակայքում գործող ասորեստանցիներին ասպատակելու երկիրը։ Դատելով KBo IV 14-ից, նախկինում էլ էխլի-շարրուման արդեն անհնազանդություն էր դրսևորել։ Կապված էին արդյոք երկու դեպքերն էլ Ասորեստանի հետ հարաբերությունները շարելու ցանկության հետ, դժվար է ասել։ Չբացառելով նման բացատրությունը, որը կարելի էր հիմնավորել նաև այն փաստով, որ Թուկուլթի-նինուրտայի կողմից ասպատակված երկրների ցուցակում Իսուվայի անունը չի հիշատակվում, այնուամենայնիվ, թվում է, պատճառներն ավելի խորն էին, կապված խեթական տերության ներքաղաքական ասպարեզում ընթացող պրոցեսների հետ։

Նիխրիայի ճակատամարտից մի քանի տարի առաջ Խաթթիի ներսում բռնկված քաղաքացիական պատերազմը չէր կարող բացասաբար չանդրադառնալ տերության վարչաքաղաքական կայունության վրա։ Խոսքը վերաբերում է հատկապես ծայրամասային երկրների կենտրոնախույս միտումներին, որոնց ակտիվացումը պիտի հանգեցներ անջատողական տրամադրու-

⁴⁸ Այս քաղաքը խեթական տեքստերում հիշատակված է երեք անգամ (KUB II 1; KUB XXIII 72 և KBo IV 14) և մոտավորապես տեղագրվում է Իսուվայի և Պախիսուվայի մերձակայքում (Ph. H. J. Houwink ten Cate. The Records of the Early Hittite Empire (c. 1450–1380 B. C.). Istanbul/Leiden, 1970, p. 65); KBo IV 14-ը կարծես թույլ է տալիս այն փնտրելու Նիխրիայից ոչ հեռու, այսինքն, Իսուվայից հարավ։

⁴⁹ KBo IV 14 III 38–41; Պարզ չէ գաղափարաբանորեն դրված այս անձնանվան հնչյուն նախն տեսքը։

⁵⁰ KUB VIII 23 13'–14'.

⁵¹ I. Singer, ZA 75, 1985, p. 109ff.

րեան երկրների և ժողովուրդների հարձակումներ), այլ ներքին քայքայիչ պրոցեսների հետևանքով տեղի ունեցած տրոհում⁵⁴։ Ենթադրվում է, որ ներքաղաքական ճգնաժամի արդյունքում վերացել է կենտրոնական իշխանությունը, իսկ տերության որոշ շրջաններում նախկինում եղած քաղաքական միավորները՝ Թարխունտասան (Փոքր Ասիայի հարավում) և Կարգամիսը (Հուսիսային Սիրիայում) շարունակել են գոյատևել, հանդիսանալով նախնական քաղաքական ավանդույթների ժառանգորդներ⁵⁵։ Ինչ վերաբերում է տերության մյուս շրջաններին (արևմտյան Փոքր Ասիա, թերակղզու կենտրոն), ապա մ. թ. ա. XII դարի սկզբներին Փոքր Ասիայի տարբեր շրջաններում ընթացած էթնիկական տեղաշարժերը և ժողովրդագրական փոփոխությունները միառժամանակ խոչընդոտել են սկեսական կազմավորումների ձևավորմանը։

Իսկ ինչպիսի՞ն էր իրադրությունը Իսուվայի զբաղեցրած տարածքում և դրա մերձակա հարևանությամբ։ Այս հարցի քննարկումը ներկայումս զերազանցապես կախված է էլյազղի շրջանում 1960—70-ական թթ. Կերանի ջրամբարի շինարարությանը նախորդած ինտենսիվ հնագիտական ուսումնասիրությունների ընթացքում ի հայտ եկած նյութերի⁵⁶ պատմագիտական հմաստավորումից։ Վերջինս միանշանակ վկայում է մ. թ. ա. XII դարում Իսուվայում տեղի ունեցած քաղաքական մշակութային արմատական փոփոխությունների օգտին։ Որոշնք են այսպիսի մեկնաբանության փաստացի վկայությունները։

Իսուվայի տարածքում գտնվող առավել խոշոր երկու հնավայրերի՝ Կորուչութեփեի և Նորշունթեփեի, ինչպես նաև մի շարք այլ վայրերի (Թեփեջիկ, Դեզիրմենթեփե, Քյոշկերբաբա, Իմիկուշաղը, Դիլեկթեփե, Թյուլինթեփե և այլն) վաղ երկաթեդարյան շերտերը ի հայտ են բերում հետևյալ պատկերը.

1) ուշբրոնզեդարյան բնակավայրերի և բնակչության քանակի կտրուկ նվազում

2) որոշ բնակավայրերում կան փոքր ավերածությունների հետքեր (Նորշունթեփե, Կորուչութեփե)

3) նոր, պարզունակ մշակույթի կրողների զանգվածային ներհոսք

4) վաղ երկաթեդարյան բնակավայրերի քանակական աճ նախորդ շրջանի համեմատ (շուրջ 50 տոկոս)

5) նոր մշակույթի բնորոշ առանձնահատկություններն են՝ ա) գերազանցապես անորակ կավից, առանց բրուտի անիվի կամ դանդաղ անիվի վրա

⁵⁴ J. D. Hawkins. Kuzi-Tešub and the „Great kings“ of Karkamis. — *AnSt* 33, 1988, p. 99ff.; Idem. The End of the Bronze Age in Anatolia: New Light from Recent Discoveries. — In: *AIA* 3. London, 1994, p. 91ff.; H. G. Güterbock. Survival of the Hittite Dynasty. — In: *The Crisis Years. The 12th Century B. C.: From the Danube to the Tigris*. Dubuque, 1992, p. 53ff.; J. Yakar. Anatolian Civilization Following the Disintegration of the Hittite Empire. — *Tel Aviv* 20, 1993, p. 3ff.: Նեթական տերության անկման գործընթացում արտաքին գործոնի երկրորդական դերի մասին տե՛ս Ա. Վ. Քոսյան. Կրկին էթնիկական տեղաշարժերի մասին. — «ՊՐՀ», 1994, № 1—2, էջ 247—252; նույն ի՛ «Արևելյան» և «արևմտյան» մուշկերի խնդիրը. — «ՊՐՀ», 1996, 1—2, էջ 207—214:

⁵⁵ Նեթական տերության տրոհումից հետո գոյատևած վերը նշված երկու պետություններին, թերևս, կարելի է ավելացնել ևս մեկը՝ Մելիդը արևելյան Փոքր Ասիայում:

⁵⁶ Պեղումների արդյունքներն ամփոփված են մի շարք հրատարակություններում՝ *Korucutepe. I—III* (ed. M. N. van Loon). Amsterdam, 1975—1980; G. Korbel. Die Spätbronzezeitliche Keramik von Norsuntepe. Hannover, 1985; H. Hauptmann. Norsuntepe. Historische Geographie und Ergebnisse der Grabungen 1968/69. — *IM* 19—20, 1969—1970, S. 21—78 և այլն:

պատրաստված և փոքր տեսակներիով ներկայացված խեցեղեն⁵⁷, բ) շինությունների պարզունակություն (կառուցման միասնական պլանավորման բացակայություն), նորշունթեփում ծիսական և վարչական կառույցների բացակայություն⁵⁸:

Ասվածին պիտի ավելացնել նաև, որ նորամուտ մշակույթը ոչ մի առնչություն չունի Իսովայի հնավայրերի ուշբրոնզեդարյան շերտերի հետ: Բացի այդ, Իսովայի վաղ երկաթեդարյան մշակույթն ընդգրկում է շուրջ 150 տարի, դատելով շերտի հաստությունից⁵⁹:

Իսովայում մ. թ. ա. XII դարում հայտնված նոր մշակույթի աղբյուրի խնդիրը առայժմ վերջնական լուծումից հեռու է, չնայած արդեն բավական հիմնավոր ուսումնասիրություններ են կատարվել այս ուղղությամբ: Մասնավորապես պարզ է, որ նոր խեցեղենի ստեղծողները չէին կարող այստեղ հայտնվել Եփրատից արևմուտք ընկած շրջաններից, այսինքն, Փոքր Ասիայից⁶⁰: Դրա ամենամոտ զուգահեռները հնագետները հակված են փնտրելու Անդրկովկասում՝ Կարմիր բլուրի, Մեծամորի և այլ հնավայրերի մինչուրարտական շերտերում⁶¹: Նմանատիպ խեցեղեն է վկայված նաև Հայկական լեռնաշխարհի և հյուսիս-արևմտյան Իրանի վաղ և միջին երկաթեդարյան մի շարք հնավայրերում՝ Տիրյե Հյույսիքում (Ադրյամանի մոտ)⁶², Դիլկայա Հյույսիքում (Վանա լճի հարավ-արևելյան ափին), Գյուղելովայում, Պուլուրում (Էրզրումի մոտ), Գեոթեփեում (հյուսիս-արևմտյան Իրան) և Հասանլուում⁶³:

Իսովայի վաղ և միջին երկաթեդարյան խեցեղենի Անդրկովկասյան աղբյուրի մասին տեսակետը դեռևս համակողմանի ուսումնասիրման կարիք ունի թեկուզ այն պատճառով, որ վերջինիս հնավայրերի համապատասխան խեցեղենի հստակ թվագրումը այսօր բացակայում է: Սակայն, հաշվի առնելով Վերին Եփրատի շրջանում նոր խեցեղենի մեծ քանակությունը, ինչպես նաև դրա լայն տարածումը Հայկական լեռնաշխարհի տարբեր շրջաններում⁶⁴, պիտի ընդունել, որ այս ուղղությամբ հետագա ուսումնասիրությունները կարող են միանգամայն նոր լույս սփռել լեռնաշխարհում սույն ժամանակաշրջանում ընթացած էթնոմշակութային պրոցեսների վրա:

Մինչև վերոհիշյալ երևույթների պատմագիտական իմաստավորման անցնելը նպատակահարմար է փորձել դրանք դիտել Առաջավոր Ասիայում և էգեյան ծովի ավազանում նույն ժամանակներում տեղի ունեցած համանման երևույթների հետ փոխկապակցության մեջ:

Այսպես, ուշ բրոնզից վաղ երկաթ անցման փուլում միմյանցից տարածապես հեռու դտնվող բաղմամբիվ քաղաքային կենտրոններում նկատվում են

⁵⁷ M. M. Winn. Phase K, the Early Iron Age. — In: Korucutepe III, 1980, p. 155.

⁵⁸ K. Bartl. Die Frühe Eisenzeit in Ostanatolien und ihre Verbindungen zu den benachbarten Regionen. — Baghdad: er Mitteilungen, Bd. 25, 1964, S. 476ff.

⁵⁹ Նույն տեղում, էջ 479f.

⁶⁰ V. Sevin. The Early Iron Age in the Elazig Region and the Problem of the Mushkians. — AnSt 41, 1991, p. 95.

⁶¹ M. M. Winn. In: Korucutepe III, p. 172f.; V. Sevin. AnSt 41, 1991, p. 96; K. Bartl.—Baghdader Mitteilungen 25, 1994, S. 506.

⁶² S. B. Blaylock, D. H. French and G. D. Summers. The Adiyaman Survey: an Interim Report. — AnSt 40, 1990, p. 110ff.

⁶³ V. Sevin. AnSt 41, 1991, p. 95.

⁶⁴ Հոս. Վ. Սեփին (ibid., p. 97, n. 35), Վանի հնադարական թանգարանում կուտակված է Արարատ լեռան շրջակայքից և Պատնոսից հայտնաբերված նման խեցեղենի մեծ քանակություն: Նույնատիպ խեցեղեն է հայտնաբերվել նաև Վանի միջնաբերդի շրջանում 1989 թ. սկսված պեղումների ընթացքում, որ թվագրվում է մինչուրարտական ժամանակաշրջանով, ավելի ստույգ՝ վաղ երկաթի դարով (V. Sevin. The Excavations at the Van Castle Mound. — In: AIA 3. London, 1991, p. 221f.).

ընդհանուր օրինաչափություններ: Թվարկենք դրանցից առավել լավ ուսումնասիրվածները՝ Բողաղքյոյ-Խաթթուսաս, Յասսըճյոյուք-Գորդին, Հիսար-լիկ-Տրոյա, Պելոստենեսյան մի շարք բնակավայրեր և այլն: Բոլոր նշված հնավայրերի անցման փուլին բնորոշ են՝ 1) ուշբրոնզեդարյան ստանդարտացված, բարձրորակ խեցեղենի ընդհատումը և նոր, պարզունակ, տնային պայմաններում սլատրաստված խեցեղենի հայտնվելը, 2) փոքր գյուղատիպ բնակավայրերի առկայությունը, 3) նոր բնակչության սոցիալական կազմակերպվածության անհամեմատ ցածր մակարդակը⁶⁵: Տպավորությունն այնպիսին է, կարծես ուշբրոնզեդարյան զարգացած քաղաքային մշակույթը մ. թ. ա. XII դարում, առանց տեղական ընդմիջման, իր տեղը զիջում է սոցիալ-քաղաքական և տնտեսական միջապետական կամ վաղսլետական զարգացման փուլ ապրող բնակչությանը⁶⁶: Անհամեմատ ավելի բարդ է հնից նորի անցման եղանակի լուսաբանումը: Ի՞նչ կարող էր տեղի ունենալ. 1) քաղաքային բնակչության արտագաղթ նոր էթնոսի ճնշման տակ, 2) արտագաղթ քաղաքային բնակչության կենսագործունեության համար աննպաստ պայմանների պատճառով: Այս խնդրի ուսումնասիրությունը համալիր մոտեցման կարիք ունի, ուստի հնարավոր չենք համարում խորանալու դրանում: Նշենք միայն, որ Իսուվայի հնավայրերի ուսումնասիրություններից ստացված նյութը թույլ է տալիս այստեղ մ. թ. ա. XII դարում նկատվող երևույթները դիտելու նույն հարթության վրա, ինչ փոքրասիական և էգեյան աշխարհների մյուս շրջանների համանման երևույթները:

Իսուվայում տեղի ունեցած ժողովրդագրական փոփոխությունները անհնար է անջատել ասորեստանյան աղբյուրներում պահպանված տեղեկություններից մ. թ. ա. XII դարի կեսերին Վերին Եփրատի և Վերին Տիգրիսի ավազաններում ընթացած էթնիկական տեղաշարժերի վերաբերյալ⁶⁷: Դեռ ժամանակին Ջ. Բրենիի կողմից արտահայտված կարծիքը էլյազդի շրջանի վաղերկաթեդարյան խեցեղենի ստեղծողներին Թիգլաթպալասար I-ի հիշատակած մուշկերի հետ նույնացնելու մասին⁶⁸ այսօր, թերևս, դժվար է վիճարկել: Անկասկած, մ. թ. ա. XII դարի կեսերին կամ քիչ ավելի վաղ դեպի Վերին Եփրատի ու Վերին Տիգրիսի ավազաններ ընթացած ժողովուրդների տեղաշարժերը բավական լայնածավալ սլետի լինելին, եթե, ըստ հնագիտական աղբյուրների, ողջ Իսուվան, իսկ ըստ ասորեստանյան աղբյուրի՝ Ալզին, Պուրուկուղլին և Կադմուխի մի մասը, ընդգրկված են եղել դրանցում:

⁶⁵ S. H. K. Bittel. Hattusha, the Capital of the Hittites. New York, 1970, p. 137ff.; C. Blegen. Troy VII. — In: CAH, vol. 11/2, 1975, p. 161ff.; R. C. Henrickson. Continuity and Discontinuity in the Ceramic Tradition of Gordion during the Iron Age. — In: AIA 3, p. 95ff.; V. R. d'A. Desborough. The Last Mycenaean and Their Successors. Oxford, 1964, p. 225ff.:

⁶⁶ Վաղ երկաթի դարում քաղաքային մշակույթի անկման խոսուն վկայություն պիտի դիտել Իսուվայի երկու խոշոր հնավայրերից մեկի՝ Կորուջուֆեի պեղումներից ստացված ոսկրաբանական նյութի ուսումնասիրության արդյունքները (J. Boessneck, A. von den Driesch. Tierknochenfunde vom Korucutepe bei Elazig in Ostanatolien. Fundamenta-rial der Grabungen 1968 und 1969. — In: Korucutepe I, S. 71ff.): Դրանք անվերապահորեն վկայում են այն մասին, որ Կորուջուֆեի ընդամենը մի խղճուկ գյուղակ է եղել: Այսպես, ուշ բրոնզ II շերտից (մ. թ. ա. XIV—XIII դարեր) հայտնի է ընտանի կենդանիների շուրջ 8700 ոսկոր, այնինչ վաղ երկաթեդարյան շերտում դրանց քանակը հազիվ հասնում է 67-ի:

⁶⁷ Նկատի ունենք Ասորեստանի արքա Թիգլաթպալասար I-ի տեքստերում հիշատակվող մուշկերի, կասկերի և ուրումեացիների տեղաշարժերը (A. K. Grayson. — ARI II, § 12ff.):

⁶⁸ Ch. Burney. Aspects of Excavations in the Altinova, Elazig. — AnSt 30, 1980, p. 166.

Այսօր, թերևս, վաղ է մասնավորեցնել հիշյալ տեղաշարժերին մասնակցած ժողովուրդների էթնիկական կաղմը: Եթե նույնիսկ դրանք մի որևէ կոնկրետ էթնոմշակութային համալիրի ներկայացուցիչներ են եղել, ապա, հաշվի առնելով եկվորների պարզունակ մշակույթը, հնարավոր է ենթադրել, որ նրանք ոչ թե մի կոմպակտ էթնիկական խումբ են եղել, այլ միմյանց մոտ կանգնած ցեղերի միություն: Լինդ որում մուշկերը կարող էին լինել միայն տեղաշարժային ալիքի՝ Կադմուսի հասած առաջասլահ մասը:

Հայկական լեռնաշխարհում մ. թ. ա. XII դարում ընթացած էթնիկական տեղաշարժերի ուսումնասիրումը մեծ նպաստ կբերի հայկական էթնոսի ձևավորման դարաշրջանի պատմության լուսաբանմանը:

* * *

Այսպիսով, մ. թ. ա. XII դարում Խուվայում հնագիտորեն վկայված փոփոխությունները կարելի է մեկնաբանել որպես քաղաքական, սոցիալական և մշակութային վայրէջքի փուլ, որի ընթացքում վերանում է նախորդ ժամանակաշրջանում գոյություն ունեցած պետականությունը, քաղաքային կենտրոնները վերածվում են փոքր գյուղատնտեսական վայրերի, բնակչությունը կամ հեռանում է կամ ժամանակի ընթացքում, նոր կենսապայմանների ազդեցության հետևանքով՝ ղեկավարվում: Թիզլաթպալասար I-ի կողմից միայն մեկ անգամ հիշատակվող Խուվան⁶⁹, անկասկած, պետականության կորուստից հետո նոր մշակույթով հագեցած մի քաղաքական միավոր պիտի լիներ, զուրկ ուշերոնվեդարյան դարաշրջանում ձևավորված քաղաքական ավանդույթներից:

ՎԱՐԱՌՈՏԱԳՐՈՒԹՅՈՒՆՆԵՐԻ ՑԱՆԿ

ՊԲՀ — Պատմա-բանասիրական հանդես.

AfO — Archiv für Orientforschung.

AIA 3 — Anatolian Iron Ages 3 (eds. A. Çilingiroglu and D. H. French). London, 1994.

AnSt — Anatolian Studies.

ARI — A. K. Grayson. Assyrian Royal Inscriptions. vols. I—II. Wiesbaden, 1972—1976.

CAH — Cambridge Ancient History.

IBOT — Istanbul Arkeoloji Müzelerinde bulunan Bogazkoy Tabletleri.

IM — Istanbul Mitteilungen.

JNES — Journal of Near Eastern Studies.

KBo — Keilschrifttexte aus Boghazköi.

KUB — Keilschrifturkunden aus Boghazköi.

OA — Oriens Antiquus.

RA — Revue d'Assyriologie.

RGTC — Repertoire Géographique des Textes Cuneiformes.

ZA — Zeitschrift für Assyriologie.

⁶⁹ «Ես նվաճեցի Խուվան (և) Դարիան: Ես նրանց հարկատու դարձրեցի (և) վերածեցի իմ աստծու՝ Աշշուրի հպատակներին» (A. K. Grayson.—ARI II, § 24):

ИСУВА (ЦОП'К') В XIII—XII ВВ. ДО Н. Э.

А. В. КОСЯН

Р е з ю м е

В статье представлен широкий круг вопросов, касающихся истории одной из важных политических единиц Армянского нагорья—царства Исува (древнеарм. Цоп'к'): 1) Царская династия Исувы, 2) Исува в период хеттско-ассирийского противостояния во второй половине XIII в. до н. э., 3) Исува в период падения Хеттской державы. Изучение первоисточников подтверждает вывод о том, что царская династия Исувы в XIII в. до н. э., представленная двумя царями—Ари-шаррумой и его сыном Эхли-шаррумой, вероятно, была связана с хеттской династией Хаттусаса родственными узами; матерью Эхли-шаррумы могла быть хеттская принцесса—дочь Хаттусилиса III и Пудухепы Килушхепы. В 40—30-х годах XIII в. до н. э., в период внутривосточного кризиса в Хеттской империи в правление Тудхалияса IV, в политике Исувы проявляются центробежные тенденции. Во время хеттско-ассирийского соперничества за верхнеевфратские страны и Митанни-Ханигалбат (битва при Нихрии в 1234/3 г. до н. э.) царь Исувы Эхли-шаррума не выполняет свои вассальные обязательства, что приводит к потере контроля хеттов над «странами Хурри». В период древневосточного кризиса XII в. до н. э. в Исуве произошли коренные этнополитические и социально-экономические сдвиги. Они отразились в депопуляции позднебронзовых центров и наплыве нового, многочисленного примитивного населения (предположительно, с севера). Основным результатом демографических перемен следует считать всеобщий политический и культурный регресс. Перемены в развитии исувского общества не являются обособленным явлением. Судя по археологическим исследованиям, регрессивные тенденции прослеживаются также в различных районах Армянского нагорья в период перехода от эпохи поздней бронзы к раннежелезному веку.

İSUWA (TSOP'K') IN THE XIII—XII C. B. C.

A. V. KOSSIAN

S u m m a r y

The article deals with wide circle of problems concerning the history of one of the important political entities of the Armenian Highland—the kingdom of İsuwa (= Old Arm. Tsop'k'): 1) the ruling dynasty of İsuwa, 2) İsuwa during the Hittite-Assyrian rivalry in the second half of the XIII c. B. C., 3) İsuwa during the fall of the Hittite Empire. The study of written sources proves the assumption that the ruling dynasty of İsuwa of the XIII c. B. C. represented by two kings—Ari-sarruma and his son Ehli-sarruma, perhaps, was related to the Hittite dynasty of Hattusas: Kilushepa—the mother of Ehli-sarruma was the daughter of Hattušilis III and Puduhepa. In the

40--30-s of the XIII c. B. C., during the political crisis in the Hittite Empire in the reign of Tudḫal.yaš IV, the policy of Išūwa shows signs of disloyalty. During the Hittite-Assyrian rivalry for the Upper Euphrates countries and Mitanni-Hanigalbat (the battle of Niḫriya in 1234/3 B. C.), Eḫli-šarruma, the king of Išūwa had denied its duties of vassalhood; as a result, the Hittites had lost their control over the „Hurri Lands“. During the XII c. B. C. Near Eastern crisis Išūwa had experienced radical ethnopolitical and socio-economic shifts—depopulation of Late Bronze Age sites and the arrival of a numerous and primitive new population (plausibly, from the north). The main result of these demographic changes was a complete political and cultural decline. The changes in the development of the society of Išūwa are not an isolated phenomenon. Archaeological investigations had revealed the same regressive tendencies also in different areas of the Armenian Highland for the period of the Late Bronze—Early Iron Age transition.